



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

22. Acta electionis Riculfi Episcopi Helenensis.

urn:nbn:de:hbz:466:1-22974

ciati privilegio, Borrellum filium Richel-
lis femina urbis præfate Rodensis, unâ
per vocationem & adclamationem Archi-
diaconorum, cœnobarum, & ruralium
Clericorum, vocamus, acclamamus, &
petimus, ac prodesse poscimus Episcopum
subrogandum, consecrandum, & inthroni-
zandum Borrellum prænotatum in gre-
mio sanctæ sedis Ecclesiæ Vincentij Ro-
tensium civem, & eum principem consti-
tuimus Ecclesiæ sanctorum quorum præ-
dictæ urbe sita sunt. Ab ipsis utpote cu-
nabulis & fidei rudimentis scimus eum Cle-
ricum, ac studiis liberalibus eruditum, no-
bilem, orthodoxum, humilem, mode-
stum, hospitem, caritativum, castum,
misericordem, & juxta Apostolum armis
divinis decentissimè ac pleniter adorna-
tum. Hunc ergo Borrellum ego Ermengaudus præfatus Episcopus unâ cum cœtu
Clericorum almæ Mariæ sedis jam dictæ,
& cum consensu Domno Wilhelmo inely-
to Comite, adclamamus eum & advoca-
mus sub tuitione vel dominatione præfate
sedis Orgellenis sive Domnum Episco-
pum Ermengaudum vel omnes Episcopi
qui post eum venturi sunt. Postulo itaque
ego Ermengaudus Episcopus præfatus
Domnum Adalbertum Karchalsensem ci-
vem Pontificem ut per singulos gradus ec-
clesiasticos sit ordinatus, & ministerio sa-
cerdotali sit dedicatus. Igitur in Dei nomi-
ne interrogamus populum hunc Borrellum
præfatum adclamantem: Vultis eum ha-
bere Episcopum? Respondit omnis clerus
& populus usque tertio: Volumus. Nos
quidem humiles Iesu Christi Pontifices,
Ermengaudus præfate sedis Vrgellenis,
in qua ordinatio ista consistit, & Adalber-
tus Pontifex Karchalsensis, & Petrus Episcopus
Comenensis, audientes & cernentes
tantam adclamatorum unanimitatem
& acclamanti proficuum Ecclesiæ utilita-
tem, recipimus in nostro episcopali nume-
ro atque collegio prenominatū Borrel-
lum, & eum per auctoritatem canonicam
benedicendo ordinamus, & electum Episcopus
in ipsa sede sancti Vincentij Episcopus
exaltamus & in nomine sanctæ Trini-
tatis inthronizamus, & ipsi Ecclesiæ pa-
storē constituimus sub dominatu almæ
Mariæ sedis Orgellenis & Domno Er-
mengaudo Episcopo vel successores ejus.
Acta scedula hujus indaginis à corporea
trabatione verbi divini anno millesimo
xvii. ara millesima quinquagesima quin-
ta, Indictione xv. Concurrente i. Epa-

cta xx. viii. Kal. Decembris, anno xxi.
regnante Rotberto Rege. Witardus sa-
cerdos, qui hanc acclamationem scripsit
Domno Episcopo Borrello sub die annô-
que superius exarato ad laudem & hono-
rem & gloriam sanctæ Dei genitricis Ma-
riæ sedis Vico Orgellenis & Episcopos
ibidem permanentes feliciter. Amen.

Acta electionis Riculfi Episcopi Helenensis.

*Nunc primum edita ex Chartulario Ecclesiæ
Helenensis.*

XXII. Cùm inter præclues ac prof-
peros antistites fierent sancta Concilia in
Iusti delubris atque Pastoris, quæ sunt si-
ta infra metropolis Narbonæ mœnia, an-
no dominicæ incarnationis DCCCXLVII.
quipote Aimiricum memoratæ urbis Ar-
chiopilionem, ac Rodallum Bitarrensem,
Gisandum Carcasensem, Dacbertum A-
gatensem, Poncionem Magalonsensem,
unâ proruperunt; sic rebus de ecclesiasti-
cis cùm instanti statuisent studio, illos
potissimos atque præclaros bearet adje-
ctio, vel quod magis loquax truatim di-
sultaret humanitas, & hoc ex eisdem pa-
tres inter se connexæ caritatis ardore mul-
tis ex quibusdam theophariis Ecclesiarum
diebus sunt potiti. Infra hos clarissimos
patres aderant topicorum multorum pri-
mates, qui nihilominus de statu regendæ
Ecclesiæ cum ipsis consulebant. Et inter
agendum, cùm conspicerentur suorum
affectiones optimè promptas, de Eccle-
siarum bene gerendis rebus, etiam cùm
inventaret una eademque voluntas, ne
viduata basilicarum aliqua proprio patro-
no illorum in potestate remaneret, edi-
ctum est Helenensem Ecclesiam adfore
orbitam pastorali consortio Vuadaldi E-
piscopi. Cui affatim condolentes, eò
quod exuisset hominem, abundè consola-
toris apotesia Spiritus repleti, ipsam in-
quisivere in sacra synodo quis quivisset ex
hac prænominata Ecclesia regimen vindic-
care illius episcopij. Hic in illa hora egres-
sa est in Riculfum digna & affabilis Cleri-
corum electio, ac conclamatio omnium
populorum Helenensis Ecclesiæ. Et in ac-
clamatione addunt laudibus ejus, haut il-
lum esse degenerem, necne neophytum,
nec idiotam, sed esse illum modestum, sob-
rium, castum, benivolum, hospitem,
& cetera. Et quid plura? Abundanter at-
tribuunt ei laudes apostolicas, quas con-
venit habere unicuique Episcoporum.

R r iij

Hoc audientes memorati patres, assenserunt illorum vocibus, nec ausi sunt contraire quem electio atque proclamatio prosequerentur. Et præsertim assensum tribuit fatibus illorum Dominus Aymiricus Archipræsul, quò statim studuissent sublimare jam prædictum Presbyterum fore Episcopum in huiusmodi episcopatus Helenensis Ecclesiæ decore. Quod omnimodè volentes, supernòque Regi debitas grates gnauiter soluentes, conjunctim liberaliterque, ut soliti sunt, cupitæ misterium affectionis canonice in Riculsum ad-

implere, confirmantes ejusdem electionem & acclamationem, manu propria exarando, & roborationis titulo per hanc membranulam nomina deduxerunt suorum. Acta in publico conventu sanctorum Episcoporum necnon & præclivium primatum & roboratum in loco sanctorum Iusti & Pastoris VI. Kal. Aprilis, Indictione instantis cronis habens lustrum unum. Anòsque duos. Aimiricus Archipræsul. S. Gislandi Episcopi. S. Dagberti Episcopi. S. Poncij Episcopi. S. Alexandri Abbatis.

FORMVLÆ ANTIQVÆ PROMOTIONVM
EPISCOPALIVM

Editæ à Ioanne Cordeño Canonico Lemovicensi.

Decretum quod clerus & populus firmare debet de electo Episcopo.

I. **D**ominis patribus illis, venerabilibus scilicet Episcopis dioeceseos metropolitane, clerus, ordo, & plebs huic sanctæ Ecclesiæ specialiter obsequentes. Vestræ paternitati est cognitum quantum temporis est ex quo accidentibus variis eventibus hæc sancta Ecclesia metropolis nostro sit viduata pastore ac destituta rectore. Quod non solum ad nostrum, verùm ad vestrum ac omnis dioeceseos detrimentum pertinere dinoscitur, cum totius provincie sollicitudinem Metropolitanò constet esse commissam. Propterea eligimus hujus dioeceseos, hujus Ecclesiæ, Presbyterum nomine illum, nobis sufficientissimè cognitum, natalibus & moribus nobilem, apostolica & ecclesiastica disciplina imbutum, fide catholicum, natura prudentem, docibilem, patientem, moribus temperatum, vita castum, sobrium, humilem, affabilem, misericordem, litteratum, in lege Dei instructum, in scripturarum sensibus cautum, in dogmatibus ecclesiasticis exercitatum, & secundùm scripturarum tramitem traditionemque orthodoxorum & canonum ac decretorum sedis apostolicæ Præsulum constitutiones sano sensu ecclesiasticas regulas intelligentem sanòque sermone docentem ac servantem, amplectentem eum qui secundùm doctrinam est fidelem sermonem, & cum modestia corri-

pietem eos qui resistunt, & si qui sanæ doctrinæ adversantur, eis resistere & redarguere prævalentem, hospitalem, modestum, suæ domui bene præpositum, non neophytum, habentem testimonium bonum, in gradibus singulis secundùm traditionem ecclesiasticam ministrantem, ad omne opus bonum & satisfactionem omnino poscenti rationem de ea quæ in illo est spe paratum, quem nobis quantocius petimus ordinari Pontificem; quatenus auctore Domino regulariter nobis præesse valeat & prodesse, & nos sub ejus regimine salubriter Domino militare possimus: quia integritas præsentium salus est subditorum, & ubi est incolumitas obedientiæ, ibi sanæ est forma doctrinæ. Ut autem omnium nostrum vota in hanc electionem convenire noscatis, huic decreto canonico promptissima voluntate singuli manibus propriis laborantes suscipimus.

Ille illius Ecclesiæ Archiepiscopus in electionem Domini illius Ecclesiæ illius Episcopi subscripsi.

Isti in ordinationem illius Ecclesiæ illius Episcopi ipso consentiente ordinati consenserunt. quod præsens inscriptio manifestat.

Aliud decretum cleri & plebis.

II. Univerfalis Ecclesiæ sacrosanctis patribus, præcipuèque illius dioecesis Præsulis, Ecclesia illa, unanimitas scilicet totius cleri & plebis, submitte devotionis obsequium in Domino. Ad aures vestræ beatitudinis pervenisse jam novimus ex-

1. Tim. 3.